




VÁLGA

INFORMASJON

Davvisámegiella | Nordsamisk

2017 stuorradigge- ja sámediggeválggat

Dehálaš dieđut dutnje gii áiggut jienastit



Válgabeaivi lea čakčamánu 11. beaivvi. Muite legitimašuvnna!

VÁLGAdirektoráhta

2017 stuorradigge- ja sámediggeválggat

Stuorradiggi lea Norgga álbmotválljen nátionáladiggi. 169 áirasa válljejuvvojit juohke njealját jagi. Sii galget min 19 fylkka álbmoga ovddastit. Stuorradikki deháleamos doaimmat leat dohkkehit lágaid, mearridit stáhta bušeahta ja bearraigeahččat ráđđehusa.

Sámediggi lea iehčanas álbmotválljen orgána ja lea sápmelaččaid ovtasteaddji jietnaguoddi. 39 áirasa válljejuvvojit juohke njealját jagi. Sii galget miehtá Norgga sápmelaččaid ovddastit. Sámediggi juohká bušeahtas guovddáš eiseválddiid addán ruhtameriid vuodul. Sámedikkis lea mángga suorggis mearridanváldi.

Dán gihppagis leat dieđut das mo galggat jienastit.

Válgabeaivi lea vuossárgga čakčamánu 11. b. 2017

Mánaga gieldda dollet vel válggaid sotnabeaivvi čakčamánu 10. b. Gieldda dieđiha sáhttago jienastit ovttá dahje guokte beaivvi.

Muitte legitimašuvnna go jienastat!

Válgalahka gáibida ahte jus jienastanvuostáváldi ii dovdda jienasteaddji, de galgá jienasteaddji čájehit legitimašuvnna. **Legitimašuvdna** sáhtta ovdamearkka dihtii leat pássa, vuodjinkoarta dahje bándjinkoarta govain, muhto sáhtát earalágan legitimašuvnnage atnit. Legitimašuvnnas ferte leat jienasteaddji namma, riegádanbeaivi ja govva.

Jus orut ásahasas nugo buhcciidruovttus, buohcciviesus dahje giddagasas, de sáhtát oažžut ásahusa bargi duođastit du identitehta.

Buot jienasteddjiide sáddejuvvo válgakoarta

Válgakoarttas leat dieđut das gos ja goas sáhtát válgabeaivvi jienastit. It dárbbas válgakoartta go áiggut jienastit, muhto seasttát áiggi. Válgakoarta *ii* gusto legitimašuvndan.

Dat válljejeadjit, guđiin lea jienastanvuogatuoha sihke stuorradigge- ja sámediggeválggain, ožžot guokte válgakoartta.

Stuorradiggeválggat

Gii sáhtá jienastit?

Stuorradiggeválggain lea jienastanvuoigatvuohta dušše Norgga riikkavuložiin. Válljeaddji galgá leat deavdán 18 jagi válgajagis. Válljeaddji ferte leat, dahje leat leamaš, čáliuvvon Norggas ássamin.

Goas ja gos sáhtát jienastit?

Válgabeaivvi fertet jienastit dan gielddas gos leat čáliuvvon ássamin gessemánu 30. b. 2017. Sáhtát jienastit guđe ihkinassii válgalanjas dan gielddas. Geahča govaid boahte siiddus, mat čájehit mo jienastat válgabeaivvi.

Ovdagihtii jienastit sáhtát suoidnemánu 1. b. rájes čakčamánu 8. b. rádjai guđe ihkinassii gielddas.

Jus jienastat gielddas mii ii leat dan fylkkas gos ásat, de oaččut dušše jienastanlihpu masa leat čállon dohkkehuvvon politihkalaš bellodagaid namat, evttohasnamaid haga. Dalle fertet russet dahje čállit guđe bellodaga/joavkku áiggut jienastit. Sáhtát iešge háhkat jienastanlihpu fylkkastat ja dan atnit jus áiggožat jienastanlihpu nuppástuhttit.

Jus leat buohcci dahje lámis, de sáhtát gielddas ohcat beassat ruovttus ovdagihtii jienastit. Gielda dieđiha goas ja gos sáhtát jienastit.


Smiehtat go gos válgalanjat leat?

Dahje goas dat leat rahpasat?


Oza iežat válgalanjaid mobiilatelefovnnas: www.valglokaler.no




Mo jienastat válgabeaivvi?




1) Válde dan jienastanlihpu maid áiggut geavahit.



2) Nuppástuhte jienastanlihpu jus áiggožat (geahča bagadusa boahhte siiddus).



3) Máhco jienastanlihpu nu ahte bellodatnamma šaddá siskkobeallai ja steampalastima várás sadji fas olggobeallai – dalle ii oainne oktage maid jienastat. Ii galgga atnit konfaluhta iige eará bidjat jienastanlihpu birra.



4) Mana válgabargi lusa dáhto steampalastit jienastanlihpu olggobeallái. Jienastanlihpus galgá leat steampal jus galgaš dohkkehuvvot!



5) Bija steampalaston jienastanlihpu jienastanlihttái.


Mo nuppástuhtát jienastanlihpu?

Du iežat duohken dat lea nuppástuhtát go jienastanlihpu (geahča bagadusa vuollelis). Jus it nuppástuhte, de jienastat evttohasaid dan vuorus go sii leat jienastanlihppui čállon.

Jus du jienastanlihpu nuppástuhttimat galggašedje válgabohtosii mearkašit maidege, de fylkka válljejeaddjiin fertejit seamma evttohasnama nuppástuhttit badjel bealli sis guđet leat jienastan bellodaga/joavkku.

Jienastanlihpus oainnát mo galggat nuppástuhttit.

Ná sáhtát jienastanlihpu nuppástuhttit:



Nuppástuhttit evttohasaid vuoru

Bija (eará) nummara evttohasa(id) nama **gurutbeale** ruvttui, nu ahte merket mo siđašit evttohasaid vuoru.



Sihkkut evttohasaid

Merke (ruossa, roahkki dahje eará) ruvttui mii lea **olgešbealde** evttohasa(id) nama geaid áiggut sihkkut.

Geat válljejuvvojit?

Juohke fylka lea ožžon Sturradiggái dihto meari áراسiid. Válgabohtosiid manñil juogaduvvojit áراسat fylkka bellodagaid/joavkkuid gaskka. De gávnnaht guđe evttohasat besset árrasin. Dasto sáddejuvvo fylkka válgabođus riikaválgastivrii, mii rehkenastá guđe evttohasat ožžot dássenmandáhtaid. Juohke fylka oažžu ovta dássenmandáhta. Oktiibuot 169 áراسa galget Sturradiggái válljejuvvot.

Sámediggeválggat

Gii sáhtta jienastit?

- Sápmelaččat guđet leat Norgga riikkavuložat, ja guđet devdet 18 jagi ovdal válgajagi loahpa, ja guđet leat, dahje leat leamaš, čálihuvvon Norggas ássamin.
- Ruoŋa ja Suoma sápmelaččat guđet devdet 18 jagi ovdal válgajagi loahpa, ja guđet leat čálihuvvon Norgga álbmotregistaris Norggas ássamin 30.6.2017.
- Sápmelaččat guđet eai leat davvirikkalaš riikkavuložat, guđet devdet 18 jagi ovdal válgajagi loahpa, ja guđet leat leamaš čálihuvvon Norgga álbmotregistarii Norggas ássamin golbma manimuš jagi ovdal válgabeaivvi.

Eaktun lea ahte lea čálihuvvon Sámedikki jienastuslohkui.

Goas ja gos sáhtát jienastit?

Sáhtát jienastit seamma áiggi go stuorradiggeválggaide (geahča ovdalis gihppagis). Jus leat čálihuvvon ássamin muhtin gielddas mas leat uhcit go 30 jienastanvuogaduvvoma sámediggeválggaide, de it sáhte válgabeaivvi jienastit. Dalle sáhtát atnit jienastanvuogatvuodát ovdagihtii jienastit. Sámedikki neahttsiidduin oainnát guđe gielddaide dát gusto. Gielddat dieđihit gos sáhtát sámediggeválggain jienastit.

Mo nuppástuhttit jienastanlihpu?

Jienastanlihpu sáhtát nuppástuhttit evttohasaid vuoru nuppástuhttimiin. Ii sáhte evttohasaid sihkkut.

Buohkaide geat leat čálihuvvon Sámedikki jienastuslohkui sádde Sámediggi válgakoarttaid dieđuiguin.

Eanet dieđuid oainnát dás www.valg.no dahje www.samediggi.no

Almmuhuvvon 2017:s Válgadirektoráhta bokte
Publikašuvdna gávdno ođđadárogiillii, sámegillii ja logi vierisgiillii

Eanet dieđut válgga birra, geahča www.valg.no